

OPĆINA OLOVO
OPĆINSKO VIJEĆE

Na osnovu člana 64. stav 5. alineja 1. i 2. Zakona o zdravstvenoj zaštiti („Službene novine Federacije BiH“, broj: 46/10 i 75/13), člana 8. Zakona o ministarskim, vladinim i drugim imenovanjima Federacije BiH („Službene novine Federacije BiH“, broj: 12/03, 34/03 i 65/13), Odluke Općinskog vijeća Olovo o utvrđivanju kriterija za imenovanje u reguliranim tijelima općine Olovo, broj: 01-01-3-212-1/23 od 14.03.2023. godine i Odluke o raspisivanju Javnog konkursa/oglasa za izbor i imenovanje u reguliranim organima kojima je osnivač Općinsko vijeće Općine Olovo, broj: 01-01-3-1918/23 od 05.10.2023. godine, Općinsko vijeće Općine Olovo, *o b j a v l j u j e*

J A V N I O G L A S
za izbor i imenovanje članova Upravnog odbora
JU „Dom zdravlja sa stacionarom“ Olovo

I - Naziv pozicije

Objavljuje se Javni oglas za izbor i imenovanje članova Upravnog odbora:

1. UPRAVNI ODBOR JU „DOM ZDRAVLJA SA STACIONAROM“ OLOVO,

- predstavnik-Osnivača Općine Olovo - 1 (jedan) član,
- predstavnik stručnih radnika zdravstvene ustanove -1 (jedan) član.

Predsjednika i članove Upravnog odbora JU „Dom zdravlja sa stacionarom“ Olovo imenuje i razrješava Općinsko vijeće, na prijedlog Općinskog načelnika.

II – Opis pozicije člana Upravnog odbora

Djelokrug rada Upravnog odbora JU „Dom zdravlja sa stacionarom“ Olovo, podrazumijeva sljedeće:

- Donosi Satut ustanove,
- Imenovanje i razrješavanje direktora odnosno v.d. direktora JU „Dom zdravlja sa stacionarom“ Olovo,
- Utvrđivanje planova rada i razvoja JU „Dom zdravlja sa stacionarom“ Olovo,
- Utvrđivanje godišnjeg programa rada,
- Donošenje finansijskog plana i usvajanje godišnjeg obračuna,
- Donošenje opštih akata o unutrašnjem uređenju i sistematizaciji poslova i druge opšte akte, u skladu sa zakonom i statutom JU „Dom zdravlja sa stacionarom“ Olovo,
- Odlučivanje o svim pitanjima obavljanja djelatnosti radi kojih je JU „Dom zdravlja sa stacionarom“ Olovo osnovana, ako zakonom nije određeno da o određenim pitanjima odlučuje drugi organ JU „Dom zdravlja sa stacionarom“ Olovo,
- Donosi odluke o korištenju sredstava preko iznosa od 5. 000, 00 KM,
- Usmjeravanje, kontrolisanje i ocjenjivanje rada direktora,
- Rješavanje svih pitanja odnosa s osnivačem,
- Odlučivanje o korištenju sredstava preko iznosa utvrđenog statutom JU „Dom zdravlja sa stacionarom“ Olovo,
- Odgovaranje Osnivaču za rezultate rada JU „Dom zdravlja sa stacionarom“ Olovo,
- Odlučivanje o prigovoru zaposlenika na rješenja kojim je drugi organ, određen statutom JU „Dom zdravlja sa stacionarom“ Olovo, odlučio o pravu, obavezi i odgovornosti zaposlenika iz radnog odnosa,
- Podnošenje Osnivaču najmanje jedanput godišnje izvještaj o radu i finansijskom poslovanju JU „Dom zdravlja sa stacionarom“ Olovo,
- Obavljanje i drugih poslova u skladu sa zakonom i statutom JU „Dom zdravlja sa stacionarom“ Olovo.

Mandat na koji se biraju članovi Upravnog odbora je do isteka mandata članovima UO koji su imenovani na sjednici Općinskog vijeća dana 17.03.2022. godine

Kandidati moraju ispunjavati opće i posebne uslove.

III – Opći uslovi

Kandidati koji se prijave za poziciju člana upravnih odbora moraju da ispunjavaju sljedeće opće uslove:

- a) da su stariji od 18 godina,
- b) da nisu otpušteni iz državne službe kao rezultat disciplinske mjere na bilo kojem nivou u Bosni i Hercegovini (bilo na nivou države ili entiteta) u periodu od tri godine prije dana objavljivanja upražnjene pozicije,
- c) da se na njih ne odnosi član IX. 1. Ustava Bosne i Hercegovine, odnosno da nije pod optužnicom Međunarodnog suda za ratne zločine u bivšoj Jugoslaviji,
- d) da nisu osobe kojim je presudom suda zabranjeno obavljanje aktivnosti vezane za obavljanje dužnosti na poziciji za koju se imenuje,
- e) da nisu stariji od 65 godina,
- f) da nisu na dužnosti u političkoj stranci u smislu člana 5. Zakona o ministarskim, vladinim i drugim imenovanjima u FBiH („Službene novine FBiH“, broj: 12/03, 34/03 i 65/13),
- g) da nisu članovi tijela zakonodavne, izvršne vlasti ili savjetnik u smislu Zakona o sukobu interesa u organima vlasti Federaciji BiH („Službene novine FBiH“, broj: 70/08),
- h) da nemaju privatni finansijski interes u reguliranom tijelu u koje se kandidiraju u smislu člana 2. tačka 1.2 Zakona o ministarskim, vladinim i drugim imenovanjima u FBiH („Službene novine FBiH“, broj: 12/03, 34/03 i 65/13),

Lični podaci o podnosiocima prijave iz tačke d. općih uslova prikupljati će se službenim putem shodno Zakonu o zaštiti ličnih podataka u BiH.

IV - Posebni uslovi

Kandidati koji se prijave za poziciju člana upravnog odbora moraju pored općih da ispunjavaju sljedeće posebne uslove:

- a) da imaju najmanje višu stručnu spremu, s tim da je poželjno da kandidati imaju visoku stručnu spremu pravnog ili ekonomskog smjera ili stručnu spremu iz oblasti koja je srodna osnovnoj djelatnosti preduzeća/ustanove,
- b) da imaju najmanje tri (3) godine radnog iskustva,
- c) da kandidat posjeduje sposobnost za savjesno, odgovorno i odlučno obnašanje pozicije, dokaz: ocjena sa intervjua,
- d) da kandidat posjeduje sposobnost nepristrasnog donošenja odluka, komunikacijske i organizacijske sposobnosti, dokaz: biografija i ocjena sa intervjua,
- e) da kandidat posjeduje pozitivne rezultate rada ostvarene tokom poslovne karijere, dokaz: slobodan izbor kandidata.

Ocjena kandidata koji ispunjavaju opće i posebne uslove, utvrđene tačkama III i IV oglasa, izvršiti će se na osnovu stepena i profila stručne spreme, kao i radnog iskustva. Nakon obavljenog intervjua sa kandidatima izvršiti će se ocjenjivanje kandidata u pogledu:

- komunikativnih i organizatorskih sposobnosti,
- minimuma znanja o organizaciji i djelatnosti reguliranog organa,
- sposobnost savjesnog i odgovornog obavljanja upražnjene pozicije,
- sposobnost nepristrasnog donošenja odluka,
- naklonjenost timskom radu.

V – Potrebni dokumenti

Prilikom prijave na Javni oglas kandidati su dužni dostaviti sljedeću dokumentaciju:

1. Prijavu na Javni oglas koja sadrži: kraću biografiju, adresu stanovanja i kontakt telefon. Prijava je zaseban dokument i mora biti svojeručno potpisana,
2. uvjerenje o državljanstvu ne starije od 6. mjeseci,
3. izvod iz matične knjige rođenih,
4. diplomu o stečenoj višoj ili visokoj stručnoj spremi,
5. uvjerenje o radnom iskustvu nakon sticanja više ili visoke stručne spreme,
6. ovjerenu izjavu o ispunjavanju uslova iz tačke III, podtačka b.,c., f., g., i h. oglasa,
7. ovjerenu izjavu ili preporuke/potvrde poslodavca o ispunjavanju uslova iz tačke IV, podtačka c.,d.,e. oglasa.

Dokumenti koji se prilažu uz prijavu moraju biti dostavljeni u originalu ili ovjerenoj fotokopiji.

VI – Dodatna pojašnjenja

Javni oglas će biti objavljen na službenoj web stranici Općine Olovo, „Službenim novinama Federacije BiH“ i dnevnom listu „Oslobođenje“, a bit će otvoren 15 dana od dana objavljivanja, računajući od dana posljednjeg objavljivanja.

VII- Posebno pojašnjenje

Svaki kandidat koji se prijavi na ovaj oglas obavezan je u prijavi i na koverti sa dokumentima naglasiti da se prijavljuje na poziciju člana Upravnog odbora JU „Dom zdravlja sa stacionarom“ Olovo kao predstavnik - Osnivača Općine Olovo ili predstavnik stručnih radnika zdravstvene ustanove.

Ukoliko kandidat na koverti ne naznači ispred kojeg subjekta se prijavljuje i čiji je predstavnik takve kovertu Komisija neće otvarati, odnosno prijave se neće uzimati u razmatranje.

Svi kandidati koji budu stavljeni na listu sa užim izborom bit će pozvani na intervju. Prije intervjua kandidati će biti pozvani da daju podatke o ranijim neposrednim rukovodiocima od kojih se mogu, eventualno, zatražiti dodatne preporuke i informacije o kandidatima.

Prilikom pozivanja kandidata na intervju, svaki kandidat mora ispuniti obrazac u kojem će iznijeti bilo koje pitanje ili mogućnost koja bi mogla dovesti do sukoba interesa u slučaju da dođe do njegovog imenovanja.

Prijave za Javni oglas dostaviti u zatvorenoj koverti na sljedeću adresu:

**OPĆINA OLOVO
OPĆINSKO VIJEĆE**

sa naznakom:

**„ JAVNI OGLAS ZA ZA IZBOR I IMENOVANJE ČLANOVA UPRAVNOG ODBORA
JU „DOM ZDRAVLJA SA STACIONAROM“ OLOVO
(NE OTVARAJ)“**

Prijave se mogu slati putem pošte ili direktnom predajom na protokol u šalter sali Općine Olovo. Neblagovremene i nepotpune prijave neće se razmatrati.

Broj: 01-01-3-1918-2/23

Datum: 17.10.2023.godine

**PREDSJEDAVAJUĆI
OPĆINSKOG VIJEĆA**

Amir Muminović, BA poslovanja, s.r.